

Siunnersuummut oqaaseqaatit

Nassuiaatit nalinginnaasut

1. Aallaqqaasiut

Siunnersuutigineqartumi siunertaavoq pisortani akiliisitsisarnerup aqunneqarnerata nutarteriffiginissaa pisariinnerulernissaalu, peqatigitillugulu innuttaasut suliffeqarfiillu assigiimmik imaluunniit pitsaanerusumik atugassaqalernissaat.

Digitaliseeriinermut Periusissaq 2014-2017-ip piviusunngortinneratut siunnersuut isigineqassaaq. Digitaliseeriinermut Periusissaq aqutigalugu pisortani suliassat ilaatigut pisariinnerulernissaannik, sunniuteqarnerulernissaannik aamma ataqatigiinnerulernissaannik Naalackersuisut pilersitserusupput.

Pisortani pisariinnerusumik ingerlatsisoqalernissaanut ilanngussinissami pisortani digitalikkut akiliisitsisarnerup aqunneqalernissaa siunnersuut manna aqutigalugu orninneqassaaq.

Pisortani pisariillisaanernut, periutsillu qangaanerusut ikinnerit aamma akilerneqartartut sularisarnerat aqutigalugit sipaartoqarsinnaanissaa kiisalu pisortani oqartussaasut tunniussaasa aqulluarnerulernissaat siunnersuutikkut anguneqassasoq naatsorsuutaavoq.

Akiliutigineqartut tunniunneqartartullu saniasigut akiliisitsisarnerup aqunnissaani assersuutigalugu ilaapput akiligassalimmud allagartaliortarnermut tunngasut, paasissutissiisarnerit kiisalu nukingisaarutitut allakkat. Paasissutissiisarnernut ilaapput paasissutissiinerit akiliutigineqartussap suuneranut paasiniaanissamut pisariaqartut imaluunniit paasissutissat pisortat akiliutigineqartumut attuumassuteqartutut isumaqarfigisaat.

Kalaallit Nunaata 2040-p tungaanut aningaasaqarnerata qanoq ineriartorfiunissaanut ilimasaarutit tunngavigalugit Naalackersuisut isumaqarput kalaallit annerusumik digitalimik atuilernerisigut pissarsiassat iluanaarfiusinnaasut iluatissarfiusariaqartut.

Pisortat oqartussa qarfiini teknologiimi periarfissat atorluarniarneqarnerat ullumikkut assigiinngitsorujussuupput. Taamatut assigiinngitsoqarnera arlalinnik nassuiaatissaqarpoq.

Siullertut oqartussaasut ilaanni teknologiikkutperiarfissat atorluarneqannginnerinut ileqqutoqqat ileqquliassallu nassuiaatigissallugit pingaartinneqartarput.

Aappaattullu oqartussaasut ilaanni amigartumik ilisimasaqarnerit kiisalu aqutsisoqarfiup angissusaa aamma annertuumik ingerlatsinikkut pitsaaqutissaagaluit teknologiikkut periarfissanik atorluannissamut akornutinngorsinnaasarput.

Pingajuattut sunniuteqarluartumik akiliisitsisarneq aqunneqarsinnaassappat akiliisussap tiguisussallu pissusilersorneri ataqatigiissarnissaat pisariaqarpoq. Taamaalillunilu pisortani oqartussaasut aqutsinissaminni nukinnik atuinissaanni apeqqutaalerput illuatungerisap qanoq pissusilersorneri.

Periuserineqartut massakkut atorneqartut killeqartillugit aaqqiissutissanut elektroniskiusunut ikaarsaarnissat pillugit piumasaqarneq pisortat aqutsineranni teknologiikkut periarfissanik atuilernissap atorluannissaanut tulluarnepaajussasoq nalilerneqarpoq. Pisortat inatsisitigut aqutsinerat atortunik allanik ilaqartinneqarsinnaavoq, soorlu paasititsiniaanerit, aningaasaqarnikkut piumassuseqalersitsinerit kiisalu pitsaanerusumik inunntut inatsisitigut isumaqatigiissuteqarsinnaanerit. Atortutut taaneqartut suugaluartulluunniit arlaat sunniuteqarluarnissamut, taamaalillunilu nukinnik sipaarniarnissamut iluaqutaasussaangitsutut nalilerneqarput, tamannami aqutigalugu pisortat inatsisitigut aqutsinissaanut iluaqutaasussaanani, taamaammallu allatut iliornissamut takussutissaanani ilassutituinnaq isigisariaqarluni.

Pisortat inatsisitigut aqutsinerat ataatsimut akiliisitsiniartarnerup aqunneqarnerata iluarsiiffinissaanut tunngatillugu maligassiuiffittut periutsimillu ataasiinnarmik atuilernissamut iluaqutaasussatut isumaqarfigineqarportaaq.

Aaqqiissutissat digitaliusut atorneqarnialersussat danskit pisortani aqutsiveqarfiini atorneqalereersimapput, tassanilu misilittakkat atorneqarsinnaalluarput. Aaqqiissutissalli digitaliusut qallunaat suliaat isumassarsiorfigalugit atorneqalissappata atortup kalaallinit ilumut atorneqarsinnaanerit misissoqqaartariaqarpoq.

2. Siunnersuummi immikkoortut pingaarnerit

Inatsiseqartitsinerit atuuttut

Ullumikkut akiliisitsisarnerup pisortanit aqunneqarnerani digitaliusunik atuinissap itigartinnissaanut inatsisitigut maleruagassaqaqqanngilaq. Tamatumalu minnerpaaffissaanut aalajangersaasunik malittarisassaqaqqanngilaq.

Siunnersuut makkuninnga imaqarpoq:

Pisortani oqartussaasunut piumasaqarneq

Siullertut pisortani oqartussaasut akiliisitsiniarnermi digitaliusumik aqutsinermik atuinissaat pillugu maleruagassiornissamik Naalakkersuisut piginnaatinneqarput.

Maleruagassat kommuninik isumaqatiginninniartoqareerpat atorneqalissasut siunnersuutigineqarpoq.

Minnerpaaffiliinissamut piunasaqaatit matumani pineqassapput, taamaaliornermilu akiliisitsisarnerup aqunnissaa digitaliusutut isigineqassappat pisortani aqutsisut malittussaassavaat.

Taamatut minnerpaaffiliinerit pisortat oqartussaaffiit taakkulu isumaqatigiissuteqarfigisaannut iluaqutaassapput, tassalu pisortani akiliisitsiniartarnerit assigiilernissaat qulakkeerlugu. Minnerpaaffiliisoqarnissaata kisimi pineqarneranut pissutaaneruvoq oqartussaaffinni ataasiakkaani atugarisanut pisariaqartitanullu akiliisitsiniartarnerup aqunnissaa ilusilersorlugulu naleqqussarnissaa suli pisariaqartinneqartussaammat. Maleruagassiornikkut kommunit namminneq aqutsisinnaanerat innarlerniarneqanngilaq.

Minnerpaaffiliinissani assersuutigalugu pineqarput:

- Qarasaasiakkut inniminniisarnerit
- Ingerlaannartumik inniminniisunik/suliap normuinik assigisaannillu suleqateqartarneq akiliuteqartarnerlu
- Ingerlaannartumik naatsorsuuserineq (taakkununga ilaalluni akiliuteqarsimanermut akiliuteqartup ingerlaannartumik nassaarinissaa)
- Digitalikkut paasissutissanik pissarsisarneq aamma akiliisoqarnerani ingerlaannartumik paasisaqarsinnaaneq
- Akiliisoqarsimannginneranut digitalikkut ingerlaannartumillu paasisaqarsinnaaneq
- Nukingisaarummik allagaqartarnermut digitalikkut ingerlaannartumilu siunnersuuteqarneq
- Isumannaatsumik digitalikkut akiligassiisinnaaneq uppersaasinnaanerlu kukkuniuisoqarnikkut piunasaqaatinik aamma naatsorsuuserinerit malittarisassanik naamassinnittunik

Periutsit pisortani oqartussaasut akornanni akiliisarnermut aamma atuupput

Innuttaasut suliffeqarfiillu akunnerminni qarasaasiaq aqutigalugu akiliisarnissaat paasissutissiisarnissaallu siunnersuutikkut piunasaqaataanngilaq.

Akiliisarnerit amerlanertigut pisartut maleruagassanut ilanngunneqartut tassaasinnaapput:

- Nioqutissiortunut akiliinerit

Nioqutissiortunut akiliisarnernut tunngatillugu malittarisassat kingunerisinnaassavaat akiligassap allagartaa pisortani oqartussaasut ilaasa atuarsinnaallugu tigusarsinnaassammagu, tassani pisinerit normu aamma konto atorneqartoq erseqqissarneqarnertaqassallutik.

Tamanna inniminniisumik suleqateqarnermik aamma naatsorsuuserinerup ingerlaannartumik suliarineqartarnissaanik kinguneqarpoq.

- Innuttaasut suliffeqarfiillu pisortat neqeroorutaannut angersinnaanerat piumannngissinnaanerilu

Pisortat neqeroorutaannut tunngatillugu maleruagassani piumasaqartoqarsinnaavoq ilinniartut nalunaarutigineqarnerannut atuarunnaarnerannullu il.il. ingerlaannartumik digitalikkullu pisortat suliarinnittarnissaannik, akilerneqartullu ingerlaannartumik taakkununnga ilangullugit.

- Paasissutissat attuumassutillit

Maleruagassat kingunerisinnaavaat pisortani oqartussaasut ataasiakkaat akiliutigineqartumut digitalikkut ingerlaannartumillu paasissutissanik pissarsisinnaalissammata, akilerneqartumullu ingerlaannartumik ilanngunnissaat qulakkeerlugu.

Oqartussaasut ataasiakkaat namminneq aqutsinerminni sunniutaasunik taamaattunik, periarfissaqarpallu tunngaviliunneqartunut ataatsimut ilanngaanerik ilallugit, atuiunnaarnissaannut Naalakkersuisut tunngavissaqalernissaat.

Suleriaaseq ileqqusooq tulluartsuutut nalilerneqanngippat digitaliseeriineq kigaappallaartumik suliarineqarsimasutut nalilerneqarneranik pissuteqarsimassaaq. Aappaattullu kulturi ileqqusullu aqutugalugit arlalinnik akornutissaqalersinnaavoq. Naggataatigullu annertuunik ingerlatsinikkut iluaqutissat amigaataanerisa imaluunniit oqartussaasuni ataasiakkaani isornartut amigaataanerisa kingunerisaannik pingaartumik suliffeqarfinni mikinerusuni iluaqutissat tamakku anguniassallugit ajornartoqarsinnaavoq.

Ataasimut isigalugu oqartussaasut ataasiakkaat namminneq aqutsinerisigut taamatut iluaqutissat piviusunngortissallugit tulluartsuunaviannngilaq.

Naalakkersuisut nalilerpaat sapinngisamik assaannarmik suliart ikinnerpaajutillugit digitalikkut akiliisitsiniartarnerup aqunneqarnissaanik piumasaqarneq pisortanit aqunneqarluni ingerlanneqassasoq atortussaasoq tulluarnepaaq.

Digitalikkut akiliisitsiniartarnerup aqunnissaanut piumasaqaatit aalajangiunneqartut imaanngilaq kikkunnit tamanit atorneqassasut.

Elektroniskimik aqutsinermut nuunnikkut iluaqutissat anguneqanngitsoorsinnaanerata ilaatigut naapitassaasassoq ilimanarpoq. Taamaammata akiliutigineqartut ilaat aamma oqartussaaffiit ilaat tamakkiisumik ilaannakuusumilluunniit minineqarsinnaassapput. Tamatumunnga assersuutigineqarsinnaapput ulluunerani paaqqinnittarfiit, taakkumi ilaannikkut meeqqat

peqatigalugit pisiniartarnerat perorsaanikkut iluaqutaasinnaammata. Aammattaaq pissusissamisoorsinnaavoq qummut killiliisinnaanerup aalajangiiffiginnaanissaa, taamaaliornikkut aningaasat aalajangersimasumik amerlassusillit maleruagassanut ilanngunneqassanngimmata. Kiisalu oqartussaaffeqarfimmut ataasiinnarmut tunngatillugu akiliisitsiniartarnerup sukannernerusumik aqunnissaanut piumasaqaatit tulluanngitsumik sunniuteqarsimappata immikkut akuersissuteqarsinnaaneq takkussinnaavoq. soorlu assersuutigalugu aaqqissuussaannikkut allanngortoqarsimappat.

Kiisalu immikkorluinnaq pisoqarsimatillugu nioqquteqartut namminersortut akiligassat allagartaannik digitaliusunik pisortani oqartussaasunut nassiussisarnissaannut piumasaqaatit inatsisartut inatsisaannut ilanngunneqannginnissaannik Naalakkersuisut aalajangiisinnaassapput. Matumani nioqquteqartut namminersortut mikinerit allaffissornikkut immikkut suliasinnnginnissaat kissaataavoq.

3. Pisortanut aningaasaqarnikkut allaffissornikkullu kingunerisassai

Pisortanut aningaasaqarnikkut allaffissornikkullu kingunerisassaasa naliliiffigineranni assut nalorninarartoqarpoq. Ataatsimut isigissagaannimi susassaqarfimmut kisitsisinut paasissutissat amigarput. Aammattaaq annerusumik digitaliseeriinikkut sunniutaasut pillugit inerniliissalluni digitaliseeriinermut pilersaarutinit allanit misilittakkat sulii naammangillat.

Digitaliseeriinermulli Periusissami pisortat aqutsineranni annerusumik digitalimik atuineq inuiaqatigiit aningaasaqarnerannut ajunngitsumik kinguneqassasoq naatsorsuutaavoq. Tamakkuli qanoq annertutiginissaannut, qanoq ilinerani atuutsinneqalernissaannut pissutsit arlallit apeqqutaasussaapput.

Digitaliseeriineq tassungalu atasumik aningaasatigit sunniutissai assut nalorninarartoqarput. Qanoq sukkatigisumik suliarineqarnissaani ilaatigut apeqqutaasussaavoq atortut nutaat qanoq pisinnaasaqartigineri, tassungalu atatillugu sulisussanik ilinniartitsinissaq aaqqissuussaannikkullu naleqqussarnissaq pillugit piumasaqaateqarsinnaanerit.

Digitalikkut aaqqiinissap atulernissaanut aningaasartuuteqartoqarnissaa ilimagineqanngilaq.

4. Inuussutissarsiortunut aningaasaqarnikkut allaffissornikkullu kingunerisassai

Siunnersuut taamaallaat suliffeqarfiit allaffissornerannut sunniuteqassaaq. Inuussutissarsiortunut allaffissornikkut aningaasaqarnikkullu kingunerisassai killeqassasut Naalakkersuisut ilimagaat. Suliffeqarfinni ataasiakkaani suleriaatsit allanngornerisigut atortup atulerneratigut allaffissornikkut sunniuteqassasoq naatsorsuutigisariaqarpoq.

Tamanna paasititsiniaanerit aqutigalugit iluarsiiiffiginierneqassaaq.

Pingaartumilli suliffeqarfinnut mikinerusunut allaffissorneq annertunerujussuusinnaavoq. Pingaartumik suliffeqarfinnut allaffissornikkut pappiaqqanik atuisunut, IT-millu killeqartumik atuisunut tunngatillugu. Taamaattoq suliffeqarfiit mikinerusut mikisullu digitalikkut akiliisitsiniartarnej pillugu piumasaaqatinit mininneqarsinnaapput.

5. Pinngortitamut, avatangiisinut innuttaasullu peqqissusiannut kingunissai

Siunnersuut avatangiisinut, pinngortitamut inuilluunniit peqqissusiannut sunniuteqartussatut ilimagineqanngilaq.

6. Innuttaasunut kingunerisassai

Siunnersuutip innuttaasunut sunniuteqarnissaa ilimagineqanngilaq.

7. Kingunerisassat pingaaruteqartut allat

Siunnersuut allanik annertuumik sunniuteqartussatut naatsorsuutigineqanngilaq.

8. Oqartussaasunik suliniaqatigiiffinnillu tusarniaaneq

Piffissami 17. maj 2017 - 21. juni 2017-imut siunnersuut makkununga tusarniaatigineqarpoq:

Kanukoka, Kommunit/Kommunerne, Kanunupe, Kommunit Kukkunersiuisui / Kommunernes Revision (BDO), Kukkunersiuisut naalagaaffimmit akuerisaasut / Deloitte, Grønlandsbanken, Bank Nordik, AK, SIK, IMAK, GE, NPK, ASG, Peqqissaasut Kattuffiat / Sundhedskartellet, Namminersorlutik Oqartussani Naalackersuisoqarfiit / alle departementer i Selvstyret.

Siunnersuut aamma tusarniaanermut nittartagaq aqqutigalugu tamanit takuneqarsinnaasimavoq.

Tusarniaatitsinerup naanerani naalackersuisoqarfiit uku akissuteqarsimapput:

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalackersuisoqarfik, Aalisarnermut Piniarnermullu Naalackersuisoqarfik, Peqqissutsimut Naalackersuisoqarfik, Aatsitassanut Ikummatissanullu Naalackersuisoqarfik, IMAK, GE, SIK, Grønlandsbanken aamma KANUKOKA.

Tusarniaanermut akissutit siunnersuummi ataasiakkaanik allannortitsisariaqarnernik kinguneqarsimapput. Siunnersuummi § 1, imm. 1, nr. 2-mi ingerlatsinnermut Naalackersuisunik isumaqatigiissuteqarsinnaanerit aamma pineqarpoq. Siunnersuummi § 3-mi "suliffeqarfiit namminersortut" "nioqutissiortut namminersortut"-mut allannortinneqarsimavoq, tamatumunngalu aalajangersakkami atuuffiit eqaannerulernissaat pissutaapput.

Nr .	Tusarniaaffigineqart oq	Oqaaseqaatit	Oqaaseqaatinut nassuiaatit
1.	Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisoqarfik	<p>Namminersortut ingerlatsinnermut Naalackersuisunik isumaqatigiissuteqarsimasut inatsimmut aamma ilaatinneqarnissaat § 2, imm. 1-imi ilanngunneqassasoq Naalackersuisut inassutigaat.</p> <p>Ilanngullugulu naalackersuisoqarfiup kissaatigaa § 4-mik nutaamik ilanngussisoqassasoq, tassanilu inuit akiliisitsiniartarnerup digitalimik aqunneqarnera pillugu piumasaqaatinut ilanngutinnginnissaat pineqarluni.</p>	<p>Inassutigineqartut § 2-mut ilanngunneqarput.</p> <p>Siunnersuummi allanngortitsissalluni pisariaqanngilaq. Tamanna pillugu Pisortani Digitalimik Allakkerineq pillugu Inatsisartut Inatsisaanni maleruagassat atuuttut malillugit aamma Inatsisartut inatsisaat malillugu nalunaarutit atortussanngortussat malillugit inuit ilaasa digitalimik allagarsisarnermut ilaatinnginnissaat naatsorsuutigineqarsinnaamma t malugineqassaaq. Siunnersuummi matumani aamma pisortani oqartussaasut pisiortortarfiisa ilaat digitalimik akiliisitsiniartarnerup aqunneqarneranut piumasaqaatinut ilaatinnginnissaat isiginiarneqarsimavoq.</p>
2.	Peqqissutsimut Naalackersuisoqarfik	<p>Oqariaatsip 'Digitalimik akiliisitsiniartarnerup aqunneqarnera' nassuiaaffigineqarneranik ilanngussisoqarnissaanik Naalackersuisoqarfik inassuteqarpoq.</p>	<p>Oqaaseqaat allannguinnissamut pissutissaqartitsinngilaq.</p> <p>Inatsit sumut atorneqartussaasoq inatsimmi allaneqartuni aamma nassuiaatini erseqqissumik</p>

			taaneqarput.
3.	Aalisarnermut Piniarnermullu Naalakkersuisoqarfik	Oqaaseqaateqanngillat	Oqaaseqaat allannguissamut pissutissaqartitsinngilaq.
4	Aatsitassanut Naalakkersuisoqarfik	Oqaaseqaateqanngillat	Oqaaseqaat allannguissamut pissutissaqartitsinngilaq.
5.	SIK	Oqaaseqaateqanngillat	Oqaaseqaat allannguissamut pissutissaqartitsinngilaq.
6.	GrønlandsBANKEN	Oqaaseqaateqanngillat	Oqaaseqaat allannguissamut pissutissaqartitsinngilaq.
7.	IMAK	<p>Tusarniaaffigineqartup periutsinik pisariillisaanissamut isumannaannerulersitsinermu llu iluaqutaasinnaappata digitalikkut periarfissat atortariaqartut tapersorsorpaa, tamannali inuiaqatigiinnut ajortumik kinguneqassanngitsoq.</p> <p>Ilanngullugu isumaqatiginarneqarpoq attaveqaatit pitsanngoriartuinnarnerat, kisiannili inuiaqatigiinni inoqarluni teknologiimik taassuminnga atuisinnaanngitsunik, soorlu aalisartut piniartullu meeqqat atuarfianni iggavinnut kalaaliminernik tuniniaasartut.</p> <p>Tusarniaaffigineqartup pisiortortarfiit ilaasa akiliisitsiniarneq ajornarnerulissappat meeqqat atuarfiisa ilinniartitsissutini nioqqutissanik eqqussukkanik atuisinnaanissaat ernumassutigaa.</p>	<p>Oqaaseqaatit siunnersuummi allanngortitsinissamik tunnngavissinngillat. Tassami siunnersuummi siunertarineqarpoq pisortani allaffissorneq pisariinnerulissasoq, taamaalillunilu sipaarniuteqartoqarsinnaassallu ni.</p> <p>Oqaaseqaatit siunnersuummi allanngortitsinissamik tunnngavissinngillat. Soorlu siunnersuummut nassuiaatini erseqqissumik ersersinneqartoq inuit ilaat allalluunniit, soorlu aalisartut piniartullu, inatsimmut ilanngunnissaat pinngitsoortinneqarsinnaavoq.</p> <p>Oqaaseqaatit siunnersuummi allanngortitsinissamik</p>

		<p>Ilanngullugu erseqqissarneqarpoq pisortani oqartussaasut siuttuusariaqartut, kisiannili IMAK-mik isumaqatigiissut malillugu atorfinitsitanut soraarnerussutisiassanik kommunit ilaasa tunniussisarnerat assut ajornartorsiorfiummat eqqaaneqarluni.</p>	<p>tunngavissiiingillat.</p>
8.	GE	<p>Tusarniaaffigineqartup erseqqissarpaa siunnersuut aqutigalugu pisortani oqartussaasoq isumaqatigiissutaasumut akerliusumik akileerusunnngissinnaasoq.</p>	<p>Oqaaseqaatit siunnersuummi allanngortitsinissamik tunngavissiiingillat.</p> <p>Siunnersuutip taamaallaat kingunerissavaa pisiortorfiit pisortani oqartussaasunut nioqquteqartut akiligassap allagartaanik nassiussisarnissaq pillugu inatsimmi piumasarineqartunik malinnittussaasut. Siunnersuummi siunertarineqanngilaq pisortani oqartussaasut pisiortorfiullu akornanni isumaqatigiissutaasunut akulerunnissaq.</p>
9.	KANUKOKA	<p>Tusarniaaffigineqartup aningaasaqarnikkut sunniutaasussat erseqqinnerusumik nassuiarnissaat kissaatigaa.</p> <p>Ilanngullugu KANUKOKA-mit naatsorsuutigineqarpoq DUT-mi malitassat naapertorlugit siunnersuut aqutigalugu aningaasartuutaajunnaartunut</p>	<p>Oqaaseqaatit siunnersuummi allanngortitsinissamik tunngavissiiingillat. Aningaasaqarnermut nassuiaatigineqartut innersuussutigineqarput.</p> <p>Oqaaseqaatit siunnersuummi allanngortitsinissamik tunngavissiiingillat.</p> <p>Soorlu nassuiaatini erseqqissarneqartoq digitalimik</p>

		kommunit taarsiiffigineqarumaartut.	aaqqiissutissap atorneranut atasumik aningsaasartuuteqartoqassasoq naatsorsuutaanngilaq.
--	--	--	---

Siunnersuummi aalajangersakkanut ataasiakkaanut oqaaseqaatit

§ 1-imut

Imm. 1-2-mut

Naalackersuisut pisortani oqartussaasut digitalikkut akiliisitsisarnermik aqutsinissaat pillugu maleruagassanik aalajangersaanissaannik piginnaatinneqarput. Piumasarineqarpoq maleruagassat kommuninik isumaqatiginninniarnert pereeraangata suliarineqartassasut. Aalajangersakkami soqutigisallit allat ilanngunnissaat mattunneqanngilaq, taakkunanilu namminersortut ilaapput.

Digitalikkut akiliisitsiniartarnerup aqunneqarnerani annermik pineqarput - soorlu tamanna inatsisip allanneqarnerani takuneqarsinnaasoq - suleriaatsit periutsillu pisortani oqartussaasunut taakkunanngalu aningaasanut akilerneqartunut tunniunneqartunullu attuumassuteqartut. Tamatumani pineqarput akiliutigineqartut tunniunneqartullu saniasigut akiliinernut kiisalu nukingisaarutinut tunngatillugu akiitsulimmut akiligassiisarneq aamma paasissutissat tigusarnerat nikingasarnerallu.

Taamaallaalliuna akiliisitsisarnerup aqunnissaa Naalackersuisunit maleruagassatigut kisimi aalajangersaaffigineqartussa. Taamaalluni taamaallaat maleruagassanik pisortani oqartussaasunut taakkunanngalu aningaasanik akiliutigineqartunut tunniunneqartunullu attuumassutilinnut tunngatillugu suleriaatsinut periutsinullu siuliani nassuiarneqartunut tunngatillugu aalajangersaasoqartussaasoq, paarlattuanillu piginnaatitsissut malillugu aqutsinerup ilusaa pillugu maleruagassiortoqarsinnaanani.

Naalackersuisut pisortani oqartussaasut akiliisitsiniartarnerup aqunnissaani sapinngisamik assigiimmik ingerlatsisoqarnissaanik aamma elektroniskiusumik akiliisitsiniartarnerup aqunnissaanik siunnerfeqartumik maleruagassiussasut siunnersuutigineqarpoq, tamatumani aqutsinermi assaannarmik suleriaatsit sapinngisamik killilersimaarlugit. Matumanilu akiliutigineqartut tunniussallu kiisalu assersuutigalugu akiitsulinnut akiligassiisarneq aamma akiliutigineqartunut nukingisaarutinullu atasumik paasissutissat tigusarnerat tunniuttarnerallu pineqarput. Periutsit taamaattut ataatsimut ileqqaarnikkut iluanaaruteqarsinnaanert kingunerisinnaavaat, soorlu akiliutissat ilarpasui assaannarmik suliarissaarneqassammata. Maleruagassat atortussanngortinneqartut pisortat oqartussaaffiisa akornanni akiliuteqartarnermut atuutissasut aamma eqqarsaataavoq.

Oqartussaasulli ataasiakkaat immikkut aaqqiissuteqarfigisinnaanissaat ilaatigut suli periarfissaassaaq. Maleruagassat akornutaanaviangillat oqartussaasut ataasiakkaat akiliisitsiniarnermik aqutsinissap ilusilersornerani, matumanimi oqartussaasuni ataasiakkaani pissutsit isiginiarneqartussaammata, soorlu assersuutigalugu oqartussaaffiup qanoq angitiginera oqartussaaffiullu oqartussaaffimmik sorlermik aqutsinera. Taamaammat oqartussaasut ataasiakkaat namminneerlutik akiliisitsiniartarnerup qanoq aqunnissaanik aalajangiisinnaassuseqassapput.

Taamaalillunilu kommunit namminneq aqutsisinnaanerat maleruagassatigut akornusersorneqarniangilaq.

Imm. 3-mut

Naalackersuisuttaaq suliffeqarfiit namminersortitat digitalikkut akiliisitsiniartarnerup aqunneqarnissaanut ilaatinneqalernissaat pillugu maleruagassanik aalajangersaasinnaapput. Tamatumunnga pissutaavoq annerusumik digitaliseeriinikkut inuiaqatigiinnut aningaasaqarnikkut iluanaarutissat kissaatigineqartut sapinngisamik tamanna aqqutigalugu anguneqarsinnaanissaat.

Suliffeqarfik namminersortitaq pineqartillugu suliffeqarfik Namminersorlutik Oqartussanit pigineqartoq pineqartarpoq, aningaasanullu inatsimmi ilanngaaseereerluni aningaasaliiffigineqartoq. Immikkoortortatut taasat tassaapput immikkoortortat pisortani oqartussaasunit pilersinneqarsimasut, assersuutigalugu meeqqat atuarfii, ilinniartoqarfiit napparsimmaveqarfiillu.

§ 2-imut

Suliffeqarfiit imminut pigisut arlallit, peqatigiiffiit aningaasaateqarfiillu digitalikkut akiliisitsiniartarnerup aqunneqarnissaa pillugu piunasaqaatinut ilanngunnissaat pillugu maleruagassanik aalajangersaanissamik Naalackersuisut piginnaatinneqarput.

Imm. 1-imut

Suliffeqarfiit imminut pigisut digitalikkut akiliisitsiniartarnerup aqunneranut atuinissamut piunasaqaatinut ilanngunnissaat pillugu maleruagassanik aalajangersaanissamik Naalackersuisut piginnaatinneqarput.

Suliffeqarfiup imminut pigisup ingerlatsinermut missingersuutaa aningaasaliissutinut inatsimmut ilanngussimanissaa imaluunniit suliffeqarfiup imminut pigisup ingerlatsinissaq pillugu kommunimik Naalackersuisunilluunniit isumaqatigiissusiorsimanissaa piunasaqaataavoq. Siunnersuummi § 1-imut naapertuuttumik immikkoortortanut namminersortuunissaq siunertaralugu pilersinneqartunut - taamaattorli pisortani oqartussaaffimmu assersuunneqarsinnaasunut - tunngatillugu sapinngisamik digitalikkut aaqqiissutissanik atuisoqarnissaa Naalackersuisut kissaatigaat.

Matumani tassaasinnaapput nammineerluni paarsisoqartitsineq imaluunniit meeqqat atuarfiat namminersortoq, inissiaqartitsinerit, suliffeqarfiit kulturimik sammisallit assigisaalluunniit. Takussutissami allanik taasassa qaraluarpoq.

Imm. 2-mut

Inatsimmik tunngaveqarluni peqatigiiffiit aningaasaateqarfiillu nunatta karsianit tapiissutit imaluunniit tapit, akitsuutit allatulluunniit isertitat aqutigalugit ingerlatsinermut akiliunneqartut aamma ilanngunneqarsinnaapput. Tamanna aamma atuutissaaq Namminersorlutik Oqartussat aallarniutissatut aningaasaliinernut, tapiissutinut, taarsigassarsianut, qularnaveeqqusiissutinut allatulluunniit tapiinernut tunniussaqaarsimappata. Inatsisitigut akisussaaffillip - assersuutigalugu pilersitsinissamut tapiiffigineqartup - ilanngunneqarnissaa siunertaanngilaq. Siunnersuummimi taamaallaat peqatigiiffiit aningaasaateqarfiillu pisortat aqutigalugit suliffinnik ingerlatallit pineqarput.

Imm. 3-mut

Naalackersuisut immikkorluinnaq pisoqarsimatillugu suliffeqarfiit imminut pigisut arlallit, peqatigiiffiit aningaasaateqarfiillu imm. 1 - 2-mut ilanngunneqarsimasut digitalikkut akiliisitsiniartarnerup aqunneqarneranut maleruagassanut ilaatinnginnissaat Naalackersuisut aalajangiiffigisinnaassagaat siunnersuutigineqarpoq. Matumani allaffissornikkut suliassa qarpallaarneq imaluunniit bilagit killeqarpallaarnerat eqqarsaatigineqarput. Tamatumunnga paasissutissat amerlanerit nalinginnaasumik nassuiaatini takuneqarsinnaapput.

§ 3-imut

Pisiortortarfiit namminersortut pisortani oqartussaasunut allanullu akiligassanut allagartaliinermi digitalikkut akiliisitsiniartarnermik atuinissamik pisussaaffilinnginnissaat Naalackersuisunit aalajangiiffigineqarsinnaasoq siunnersuutigineqarpoq. Matumani assersuutigalugu suliffeqarfiit mikinerusut aalisakkanik paaqqinnittarfinnut tunisallit eqqarsaatigineqarput.

§ 4-imut

Inatsisartut inatsisaat ulloq 1. januar 2018 atuutilissaaq.

Inatsit piginnaatitsissutaavoq, taamaammallu matuma kingorna inatsimmik tunngaveqarluni nalunaarutini arlalinnik atortussanngortitsisoqarsinnaavoq. Naalackersuisut naatsorsuutigaat nalunaarutit tamakku inatsisip atuutilernera peqatigalugu imaluunniit tamatuma kinguinngua atortussanngortinneqarsinnaajumaartut.

Nalunaarutit atortussanngortinnginnerini oqartussaasut attuumassutillit peqatigalugit oqallittoqartassaaq, soorlu IT-kkut aaqqiissutissanut allanullu piumasqaatinut tunngatillugu.